

Guangjisi Minzcu Bau

ganbbau: CN45-0036 B.2016 Nd.11 Ng.30 liggaeuq bingsaen nienz ndwenit co 'ngeib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3251期

Duh'anh Yungh Lai Cungj Banhfap Coicaenh Minz- cuz Vwnzva Saehnieb Hoenghvuengh Hwngfat

都安多举措促进民族文化事业繁荣发展

Bi 2015 doxdaeuj, Duh'anh Yauzcuz Swciyen Dangjveij、Cwngfuj yawjnaek, vunzlai camgya, yungh lai cungj banhfap coicaenh minzcuz vwnzva saehnieb hoenghvuengh hwngfat.

It dwg gyagiengz vwnzva gungh-gung sezsih hwnjguh. Bi 2015 doxdaeuj, Yen Cwngfuj bued roengz 3000 lai fanh maenz, hwnjguh Mizlozdoz Vwnzva Gunghyenz, seiz-neix aen gunghyenz neix gaenq bienqbaenz dieg vwnzva gunghgung daengx yienh beksingq gak cuz ndaej yiengsough; bued roengz 1200 lai fanh maenz hwnjguh minzcuz vwnzva boz-vuzgvanj, ndaw gvanj souyo langhbaij vwnzvuz cien gienh doxhwnj caeuq mbanj feihvuzciz vwnzva yizcanj dijbauj, hawj gyoenqgvunz yawjngonz、swnjcienz、hwngfat; daengx yienh 19 aen yanghein cungj laeb miz

vwnzvacaen, 248 aen hingzcwngcunh cungj miz funghranz vwnzva.

Ngeih dwg haenqrengz gaem ndei doihiyenjheiq hwnjguh. Seizneix, daengx yienh laeb miz doihi-yienjheiq lajmbanj (ndawbiengz yisuz-donz) 85 aen、laebbaenz fwen hezvei bouxguhnaz 15 aen, gungh miz bouxyienj daengz 3300 lai boux. Doenghgij doihiyenjheiq neix ciengz-seiz ndaej iucingi okbae guh yienjok doxgyau vwnzva minzcuz, caemhcai ndaej rapdawz gij yinvu yienjok ndaw yienh banh gak cungj daihingz angqhoh hozdung dem, ndaej daengz gaep baihgwnz mizgven bumwnz haengjdingh caeuq vunzlai haenhndei. Gaenh bi neix daeuj, doihiyenjheiq Sanggyangh Cunh Disuh Cin ndaej Swcigih Vwnzvadingh bingz baenz "doihiyenjheiq maenhndei"、hawfwen Mbanjdouzlieng Hinghli Cunh ndaej

aen cwngheuh "hawfwen Guengjsae" daengj.

Sam dwg gaenxmaenx haiguh minzcuz vwnzva hozdung. Gaenh bi neix daeuj, youq seizhoengq mbouj dajndaem, doenghgij doihiyenjheiq (ndawbiengz yisuzdonz) neix cungj comz bouxyienj, gagnyienh daengz mbanjbya Mbanjyauz, yungh diuqfoux ndawbiengz、fwen dangdieg doengsug ngaih rox daengj hingzsik vih vunzlai senhconz yienjciengq minzcuz cwng-cwz dangj, yienjciengq gij vunzndei saehndei henz ndang; binaengz "sam nyied sam Bouxcuengh" "cietcuazu Yauzcuz" daengj ngoenzciet minzcuz hozdung, dawz doenghgij ciet neix guhdaez, doedok daegsaek minzcuz, banh gak cungj minzcuz guh'angq hozdung, hawj vwnzva minzcuz ndaej engq ndei swnjcienz caeuq hwngfat.

(Lanz Fuzganh/蓝福宽)

Sanhgyangh: Vwnzva Dap Daizheiq Huzndei Bang Hwngfat



三江:文化巧搭台 和谐助发展

Mboengqneix, Sanhgyangh Duncuz Swciyen youq yienhsingz Dohyeh Gvangcangz banh cauxlaeb swcigih aen yienhguhyienh minzcuz doxgiet cinbu vwnzyi comzyienj yienjok, yungh golaux Duncuz、gofoux minzcuz daengj cezmuz lai cungj lai yiengh yienj ciengz vwnzva heiq hoengh ndeiyawj he hawj dangdieg beixnuengx yawj. Gaenh bi neix daeuj, aen yienh neix baengh gij swhyenz vwnzva minzcuz fungfouq gagmiz, haenqrengz doicaenh vwnzva minzcuz haeuj hagdangz、haeuj gihgvanh、haeuj danhvei daengj hozdung. Doenggvaq guh yezej、gyangjgvanj、dohyeh daengj minzsuz hozdung lai cungj lai yiengh, rengzrwd coicaenh Mbanjdung gak minzcuz doxgyau doxgiet. Ndaw doz dwg bouxyienj cingq diuq foux minzcuz.

(Gungh Bujgangh/龚普康)

30 Lai Aen Vangjcan Gvansim Gizdieg Minzcuz Haiguh Son'gyauq Bouxbuenxsaemj Beksingq Song Vah Saw

30 多家网站关注民族地区开展人民陪审员双语培训教育

Bonjbauq siusik (gicej Cau Dwzfeih) Mboengqneix, bien lunvwnz daezmoeg dwg 《Ngeixnaemj Gizdieg Minzcuz Haiguh Son'gyauq Bouxbuenxsaemj Beksingq Song Vah Saw》 ndaejdaengz 30 lai aen guekgya、sengj、si gaep vangjcan gvansim cienj daeng, bien faenzcieng neix youz Guengjsae Minzcuz Daihhag Fazcanj Gveihvacu gohcangj Gauh Veiginh caeuq Namzningz Si Sihyanghdangz Gih Yinzminz Fazyen bouxbuenxsaemj、Namzningz Si Gohhez laux veiyenz Gauh Cicangh sij.

Bien faenzcieng neix daj dungx-caiz baujcan、cauxmoq saedhengz、gaemdawz seizndei daengj 3 aen fuengmienh gangjgej gij youqgaen

son'gyauq song vah saw youq seiz guhhong buenxsaemj.

Bien faenzcieng neix daeng youq 《Fapceih Caeuq Ginghci》 bi 2016 geiz 5, faenzcieng fat doeklaeng, Hozciz Si Cunghgiz Yinzminz Fazyen Vangj 《Fazgvanh Lundanz》 daiqdaez cienj daeng daengx bien, riengzlaeng Cungguk Minzcuz Cunghgyau Vangj、Cungguk Sevei Gohyoz Vangj、Cungguk Fazyen Vangj、Cungguk Saemjbuenq Vangj、Guengjsae Fazyoz Vangj、Guengjsae Fazyen Vangj、Guengjsae Cwngfuj Fazci Vangj、Guengjsae Minzyijveij Vangj、Guengjsae Minzcuz Bau Vangj、Namzningz Fazyoz Vangj、Hwz-lungzgyangh Fazyozveij Vangj、Nei-

mungzguj Fazyozveij Vangj daengj 30 lai aen vangjcan lienzdaemh cienj daeng.

Bien faenzcieng neix ndaejdaengz gwnzbiengz caeuq lauxhangz nyinh-doengz. Vihneix, Cungguk Fazyozveij Vangj daeng fat le bien faenzcieng daezmoeg heuhguh 《Namzningz Si Sihyanghdangz Gih Fazyen Cauxmoq Guhhong Gihci Gaenxmaenx Fatok Gij Cozyung Cauxmoq Veiyenz Fazyozveij Youq Seiz Guhhong Buenxsaemj》, Guengjsae Fazyoz Vangj daeng le 《Namzningz: Gaenxmaenx Fatok Gij Cozyung Cauxmoq Veiyenz Fazyozveij Youq Seiz Guhhong Buenxsaemj》 bauqlwnh bien faenzcieng neix.

SIUSIK DINJ

简讯

● Bineix doxdaeuj, Denhngoz Yen dawz gaijndei giek-daej sezsih mbanjungzhoj siujsoq minzcuz guh fwngz-gaem, giengzvaq canjniieb daiqdoengh yinxlingx, laebdaeb doicaenh hanghmoeg hwnjguh, riengzlaeng gaem ndei dukcoi doeksaed hanghmoeg gaenq haihong haenx, daengx yienh 35 aen mbanjungzhoj giekdaej sezsih hwnjguh mboujduenh cuksaed, swngheanj saedceij suiijingz cugyamq gaijndei.

(Liuz Yaujinh)

● Mboengqneix, Gveilnz Si giyez simndei caeuq gwnz-biengz goeng'ik cujciz daengz Lungzswng Gak Cuz Swciyen Lungzci Cin Ginhgyangh Cunh haiguh bangfuz gien-soengq hozdung, giensoengq 22 aen densigih yezcingh nem doxgaiq sou densi cezmuz hawj ranzungzhoj, gyaqcienz dij 3 fanh lai maenz, bang ranzungzhoj gaijgez gij vwndiz mbouj miz densi yawj.

(Banh Cisiengz)

● Denzyangz Yen Yifung Cin Dangjveij Cwngfuj fat-doengh vunzlai leihyungh diegnamh dienheiq ndei dang-dieg, hawj vunzlai dajndaem hing, gyalai ndaw ranz ngaenz-cienz souhaeuj, seizneix daengx cin dajndaem hing mienhcik daengz 5000 lai moux, guh-baenz gveihmoz haemq hung. Bineix aen cin neix dajndaem hing ndaej fungsou, daj daengz seiz baenz sou doxdaeuj, ngoenzngoenz miz vunzlai daj ndaw reih sou hingndip bae gai.

(Vangz Gozsun)

● Gunghcwngz Yauzcuz Swciyen youq gaem hong cing-cinj banggunz seiz, gak mbanj gaenxmaenx yungh gij banhfap "hozcozse + gihdi + ranzungzhoj" bangcoh ranzungzhoj vut gungz, seizneix miz vut gungz bouxguhnaz conhyez hozcozse 78 aen. Bineix doxdaeuj, gunghsangh cizgenhgiz haenq-rengz bang gak mbanj laeb-baenz vut gungz bouxguhnaz hozcozse, gaenq miz 300 lai hoh ranzungzhoj gyahaeuj le gak cungj conhyez hozcozse.

(Cauh Binjciuh)